

07 Szene nach Pizza, Pizza

Während sich alle darüber freuen, findet Malin es ziemlich creepy. Wie konnte das nur möglich sein.

- Leila Gsehsch – mer bruched käi rechtegi Chochi! Das esch eifach mega!
- Malin Wahnsinnig mega! Säg emol, frogsch du dech ned, wie das überhaupt mögloch esch? Ech meine, mer spelid ofem Handy ond plötzlech—
- Leila Das esch doch schnurzegal. Schad nor, dass d Pizza zemlech verchohlet esch.
- Malin Was machsch höt noch de Schuel? Ech han es tolls Buech afo läse, das wörd der—
- Leila Was esch das förne Frog? Ech bruche nor no eis Spel ond denn stiig ech is nöchschte Level uf. Cool, gäll! Chom doch zo mer ond mer spelid zäme en Rondi MMOG.
- Malin Esch scho guet, denn les ech mis Buech bi mer dehei wiiter.
- Leila Oh, d’Englischstond foht ah. Mist, jetzt hani ned för d Präfig glehrt. Egal, die Stond goht au verbii. Boah, ech be so gspannt ofs nöchschte Spel.